

CCCB *Zytig*

s Clique-Organ vom Central Club Basel

Morgestraich, vorwärts, Marsch!
Scho bald isch es sowyt!



Die Alti wott go danze...

Liebi CCBlere, liebe CCBlere, jä, bald isch es sowyt. Mir mien numme no e baar weenigi Mol am Kissi loose und denn steen mir scho alli mit eme woolige Gribble im Buuch vor dr Brasserie Steiger in dr Minzgass, drille nervees am Kopfladärnli s Lämblli aa, richte no e letschts Mol d Larve und warte numme no uf dä Momänt, wo s Liecht in dr Innerstadt abgoot. No kurz e Bligg zem Nochber linggs, zem vergwissere, ass me in dr richtige Clique yygstanden isch, und zem Nochber rächts zem Uureverglyych, nit ass me d Larve no z spot aaziet. Denn pletzlich bassiert s, s wird iberall dunggel, d Ladärne lyychte, s lauft aim yyskalt dr Ruggen ab und dr Dambuurmajor brillt unter synere Larve mit ere no kreftige Stimm fiire: “Morgestraich, vorwärts, Marsch!” Vo alle Syte här heersch denn Drummle und Piccolo wild durenander und irgendwie doch zämme spiile. Dr Morgestraich und die Alte heert me als erscht s vo de vyle Clique, wo sich dur d Menschemängi baane. Do und dert git s villicht e glaine Stau und Stäggeladärne vom Vortrab vermische sich mit de Dambuure vo dr Clique, wo aim grad dr Wäg verspeert...

Jä, eso foot si aa, unseri Fasnacht!

Draumsch in dr Nacht mänggmol au, s wär scho sowyt?

Dr Redaggender

Inhalt

Dr Central Club Basel iebt wie wild fir dr Drummeli-Ufftritt! E Bricht iber s Weekend ab dr Syte				2	
Stammverein	2	Jungi Garde	6	Alti Garde	8
Allergattig	10	Sponsorsyte	11	Agända	12

Geht an alle Mitglieder des Stammvereins, der Jungen Garde und der Alten Garde

Er sitzt

Grad bin y haimkoo vom Charlie Chaplin Trainings Weekend. Aigentlig hätt y jetzt ganz gärn welle d Fiess uff ere Streggbangg in die richtigi Richtig zruggbiege und d Aerm wiider emool aabenäh, aber nyt do. My Chef hett gsait, är bruuchi dä Bricht bis iibermorn. Henu also denn. Aagfange hetts aigentlig ganz gmietlig, erscht am Noomidaag vom Samschtig hämmer ys miesse an dr Schiffländi besamme. Z schlebbe hämmer usser den Inschtrumänt und



Die baide
Komponischte

eventuell no de Noote au nyt gha. S hett ghaisse, mer schloofe nit zämme, also hett me s Byschama und s Byuudikeis (ka me das Lääse?!) kenne dehaime loo. So zimmlig alli sin em Marschbefähl vo dr Obrigkait gfolgt und hänn an däm Vogel Gryff-Samschtig drfir gsorgt, ass au bim Grossbasler Bruggekopf e Huffe Lyt gstande sin. Schliesslig gits au bi uns Gryffe (sprich Dräche), wildi Männer und dr aint oder ander (Party-)Lai. „Wo goht s ächt aane?“ hänn alli grätslet. D Jugi ligt in dr andere Richtig, s Spiddel hänn mer linggs ligge loo (s wär villicht in dr Pathologie au nit so gmietlig gsi) und s Schiff hämmer au nit gnoo. Aber do wär jo no d Mägd, und die hämmer denn au iiberfluetet. Dr Baizer, wo schynts Fasnachts-Cliquene gegeniiber e Weeneli skeptisch syg, hett scho syni schlimmschte Befirchtige bestätigt gseh. S syg do jetzt aber grad voruuss gnoh: mer hänn em OK syni Versprächige yygleest und nit zue de gr in gschte Beaastandige Aaloss gäh. Glaub. Schliesslig simmer jo dr CCB.

Nach em Warmpffaffen- und Drummle sin die einzelne Stimme



Die erschi Leggzion...

und d Damboure drennt in Klausur und hänn afoo fyyle und schlyffe. Zwar hett sich scho dr ganz Summer duure s Iebigs-Repertoire uff dr Drummelmarsch beschränggt gha, aber schyynbar hetts bim ainten oder andere doch none Zwigg bruucht. Oder e Tritt ins Fiidle. Uff alli Fäll hetts bis geegene Oobe ganz passabel dehnt. Sogar s Drummelsolo isch ains gsi und dr Filmschnitt hett alls wie besser uff unseri Tämposchwangge basst. Dr bescht Ghaintipp vom Tobi isch dä gsi, mer selle jo nit druff loose, was dr Freddy fir e

Impressum

Redaktion

Caesar B. Schmidlin
Sonnstattstrasse 23
CH-4142 Münchenstein
Tel.P.: 061 411 8845
mob.: 076 565 5112
cbschmidlin@hotmail.com

Druck

Druckerei Dietrich AG
Pfarrgasse 11
CH-4019 Basel
Tel.:061 639 9039

Papier

100% chlorfrei gebleichtes
Papier ohne optische Aufheller

Adressberichtigungen

David Taschner (Sekretär)
Delsbergerallee 71
CH-4053 Basel
Tel.:061 332 0251

Format

Windows 98
CoreIDRAW 10

Auflage

500 Exemplare

Beiträge

Andreas C. Meier (acm)
Fredy Niederer
Hans-Ruedi Schaltebrand
Marco Baumann
Vaucee

Redaktionsschluss

CCB Zytig Nr. 212
15. April 2002



Buschi s erscht
Mool vor Fremde,
will haisse ere
C o m i t é -
Delegation, vor-
gfiehrt. Sy hänn
ganz e zfriidene
Ydrugg gmacht,
hett s aim dunggt.
Aemmel hämmer
ys der uss dr
Cliquekasse of-
ferierti Apéro
sicher verdient. D

Tämpo aasait. Was allerdings de
maischte z schaffe gmacht hett,
isch s Doostoh mit den ab-
gwingglete Fiess gsi. Y wett
wisse, wie mänge Meniskus s
uuseglepft und wär sich am
Mändig alles bim Schyro-
braggdigger aagmädlet hett.
Schyntz haig dr Zolli nach
mehrere besorgte Aarief uss dr
Bevelggerig syni Pinguin
noochezelt, will d Lyt am
Sunntigoobe umme Rhy umme
masshaft gspässig watschelndi
Wäase wänn beobachtet ha. Doch
zrug in d Mägd. Dert hämmer
nämmli unser Drummeli-

Servierdochter hett gar nit welle
glaube, ass au s Mineralwasser uff
d Rächnig kunnt, nit nur dr
Wysswyy. Aentwäder isch das em
Ruef vom CCB z verdangge oder s
Wasser isch mittlerwyyle dyrer
als e Halbeli. Aber au das hett
glabbt. Aaschliessend hetts e
gmainsams Nachtässe gäh, und
speeter sin die wo hänn welle no
an Vogel Gryff. Me hett denn am
Sunntigmorge bi Kaffi und Gipfeli
kenne abschetze, wär sy Quantum
Scheenhaitsschloof gha hett oder
nit.

Dr Sunntig hett vor allem dr
Schobi gnosse, will är
jetzt ändlig hett kenne
zaige, was är glehrt hett.
Schwungvoll hett är dr
Dambourmajor-Stägge
kraise loo und sich
yyprägt, wenn dr Marsch
fertig isch zem Abwingge.
Mer hänn unsere Chaplin-
Blues nur no ebbe 63 mool
duure gmacht, und denn
sin mer Drummeli-fit gsi.



Zer Belohnig hett sich drno jedes
derfen en Yyglemmts schmiire
und zem Glemme hetts verglemmi
gnueg gha. Am Schluss hänn sich
alli no Räschte zem Haim näh
underen Arm glemmt. Und denn
isch unseri Wälturufffiehrig ko:
im Schalander vom Alte Warteck
hänn mer s erscht Mool mit
unserem Drummeli marsch s
Publikum begaischteret. Eb die
allerdings vom Musikalische
ebbis mitgriegt hänn, isch nit so
sicher; vermutlig hänn sy nur dr
Film gluegt.

Vaucee

Planung & Ausführung von:

- Türen
- Stahlzargen
- Schreinerarbeiten
- Wandschränke
- Renovationen

Alex Jäggi AG
Baselstrasse 65-67
CH-4044 Arlesheim
Tel. 061 201 51 51
Fax. 061 201 51 20
www.schreinerel-jaeggi.ch info@schreinerel-jaeggi.ch

Thomi
GARTENBAU · BASEL

Kleinhüningerstrasse 198
Telefon 631 36 50 Telefax 631 36 59

Beratung – Neugestaltung – Unterhalt
Pflege Ihres Gartens

CCB-Mitglied

im Herzen von Basel
Gerbergasse 50

Walliser Kämm

Spezialitäten
Restaurant

Tel. 061 / 261 70 47

Und wenn's emoole neetig wär...

Neth AG
Sanitär

Auf dem Wolf 21 Basel Tel. 313 10 10

S Programm vom Stamm an dr Fasnacht 2002

Sonntag, 17. Februar 2002

- ab 17.45 Uhr Wir bestaunen die Werke unser beiden Künstler Tobias Scheuring und Cesi Schmidlin.
Gemeinsamer Laternenapéro mit der Jungen Garde im Kleinen Klingental.
- 18.30 Uhr Im Anschluss an die Junge Garde marschieren wir über die Mittlere Brücke ins
Grossbasel. Der Basler Keller ist wiederum für den CCB reserviert.

Montag, 18. Februar 2002

- ab 02.30 Uhr Man trifft sich in der Brasserie Steiger im Hotel Basel
- 04.00 Uhr „Dr Morgestraich, vorwärts, Marsch!“
Abmarsch von der Münzgasse (direkt vor dem Hotel Basel) Richtung Barfi.
- ca. 07.45 Uhr Morgenessen im Basler Keller
- 08.45 Uhr Abmarsch vor dem Hotel Basel zusammen mit der Alten Garde.
- ca. 09.00 Halt in der Walliser Kanne, anschliessend verlängerter Morgenstreich (fakultativ)
- 13.45 Uhr Treffpunkt zum Cortège vor dem Restaurant Rheinfelderhof Ecke
Clarastrasse/Hammerstrasse. Da wir gleich zu Beginn das erste Comité
passieren werden, ist pünktliches Erscheinen unbedingt erwünscht
(Subventionsabzüge aufgrund fehlender Teilnehmer können wir uns nicht mehr
leisten!).

 <p>Die gmiethli Baiz z' mitts in dr Altstadt</p> <p>Im 1. Stogg s' haimelige Lokal zum feyn ässe</p> <p>Restaurant Gifhüttli Schneidergasse 11 4051 Basel Tel. 061 / 261 16 56 Fax 061 / 261 14 56</p>	 <p>Fahrschule W. Koch U. Rütshetenweg 49 4133 Pratteln Tel. 079 / 210 36 36</p>  <p>trustconsulting Richard Madörin & Co Dornacherstrasse 86 Postfach 4008 Basel</p> <p>Tel. 061 361 29 24 Fax 061 361 25 49 madoerin@trustconsulting.ch</p> <p>Steuerberatung</p> <p>Unternehmensberatung</p>	<p>Auch im Schadenfall lässt die «Winterthur» keine Misstöne aufkommen.</p>  <p>winterthur</p> <p>Von uns dürfen Sie mehr erwarten.</p> <p>Winterthur Versicherungen Generalagentur Pratteln Kurt Spörri Oberemattstrasse 33 4133 Pratteln Telefon 061 826 90 40 Telefax 061 826 90 54</p>
---	--	--

Punkt 14.10 Uhr Abmarsch Richtung Wettsteinbrücke

ca. 14.45 Uhr 1. Halt Ecke Claragraben/Riehenstrasse
ca. 15.45 Uhr 2. Halt beim Picassoplatz/Aeschenvorstadt
ca. 16.45 Uhr 2. Halt im Grossraum Barfüsserplatz
18.30 Uhr Eintreffen im Hotel Hilton zum Nachtessen

ca. 20.30 Uhr Abmarsch vor dem Hotel Hilton.

spätestens 02.00 Uhr Offizieller Schluss vor unserem Cliquenkeller

Dienstag, 19. Februar 2002

14.30 Uhr Treffpunkt zum Kinderzigli gemäss separater Ankündigung durch den Obmann Junge Garde.

Mittwoch, 20. Februar 2002

13.10 Uhr Treffpunkt am Brückenkopf der Wettsteinbrücke im
Grossbasel (der Aufruf betr. pünktliches Erscheinen gilt auch
für den Mittwoch!)

Punkt 13.30 Uhr Abmarsch direkt hinter der Jungen Garde Richtung Kleinbasel

ca. 14.00 Uhr 1. Halt Ecke Clarastrasse/Hammerstrasse
ca. 15.15 Uhr 2. Halt in der Webergasse
ca. 16.15 Uhr 3. Halt beim Hotel Basel mit Apéro für unsere Passiv-Mitglieder
ca. 17.15 Uhr 4. Halt in der Sternengasse

18.30 Uhr Nachtessen im Hotel Hilton

ca. 20.30 Uhr Abmarsch vor dem Hotel Hilton Richtung Barfüsserkirche, wo
wir wie jedes Jahr unsere Alte und Junge Garde treffen.

21.00 Uhr Abmarsch des ganzen CCB Richtung Freie Strasse
Marktplatz

ca. 21.30 Uhr Halt vor dem Hotel Drei Könige. Der Stamm ladet die Jüngsten zu einem Umtrunk ein
(genauere Instruktionen betr. Ablauf erhaltet ihr beim Nachtessen).

ca. 22.15 Uhr Abmarsch Richtung Gerbergasse/Barfi gemeinsam mit der Jungen Garde

ca. 22.45 Uhr Halt auf dem Barfi

ab 23.15 Uhr Gässle im Grossbasel, so wie's uns gefällt.

04.00 Uhr Endstreich irgendwo zwischen Spalenberg und Lyss. Anschliessend wird uns in
unserem Cliquenkeller ein reichhaltiges Frühstück serviert.

Fredy Niederer

Internes Preis pfeifen und - trommeln der Jungen Garden der Rhyschnoogge und vom Central Club Basel



Genau wie alle Anlässe dieses Jahr, welche etwas mit der Fasnacht zu tun haben, fand auch das Interne Preistrommeln sehr früh statt. Anders als die letzten Jahre fand das Preistrommeln nicht mehr im Wettsteinsaal statt, sondern im Restaurant zum alten Warteck. Dort war ein Saal reserviert. Dieser Saal hatte im Vergleich zu den letzten Jahren nur eine kleine Bühne. Ein grosser Vorteil war das dort bedient wurde. Zu empfehlen ist der Bierfuhrmannsalat. So konnten alle beruhigt zuschauen und Andy musste nicht noch die letzten zwei „Schinkengipfeli“ versteigern. Dafür konnte er sich eingehend auf die Schuhmode der Konkurrenten und Konkurrentinnen konzentrieren. Die Garderobe für die Teilnehmer im Untergeschoss, war in der Kegelbahn einquartiert. Diese war jedoch sehr eng und laut wenn jeder noch probierte seine Nervosität wegzutrommeln oder zu Pfeifen. Die Konkurrenz wurde durch Interessante und abwechslungsreich Darbietungen unterbrochen.

Es waren dies ein Ständeli für Guido das er von seinen Bekannten aus dem Tirol bekam.

JUSTIN **UNTERNAEHRER** AG

Elektro- und Telefonanlagen
Reparatur-Service
Beleuchtungskörper und Haushaltgeräte



Hegenheimerstr. 97
4055 Basel
Tel. 061/382 72 72
Fax 061/382 72 78
email@unternaehrer-ag.ch
www.unternaehrer-ag.ch
☑ vor dem Hause

Die Brasserie mit Pfiff



Architekturbüro Linus Marti

Dornacherstr. 210 4053 Basel
Telefon/-fax: 061/ 331 11 01

Privat: Bruderholzstrasse 106
4053 Basel
Tel. 061/ 361 87 42

Es war dies ein noch selten an der Fasnacht gehörter Marsch. Dieser hatte eine gewisse Ähnlichkeit mit einem Hitparadenschlager. Doch auch die gute alte Trommelschule war vertreten. Diese war nicht minder sehenswert. Doch auch die Stämme der beiden Cliques hatten etwas zu bieten. Es war das der Stamm des CCB mit seinem Monstermarsch. Diese musikalische Filmbegleitung zum live geschnittenem Film geht in die Kategorie sehenswert und ist ein Drummeli Besuch wert. Doch der Stamm der Rhyschnoogge stand dem mit ihrer musikalischen Darbietung in nichts nach. Ganz zum Schluss probte die Pfeifergruppe ihren Auftritt für das Offizielle Prisepfeifen vor einer Fachkundigen Juri. Doch zuletzt interessiert es einem doch wer gewonnen hat. Dieses Jahr galt es Sieger in nicht weniger als 8 Kategorien zu küren. Ich danke allen die diesen Anlass dieses Jahr und auch in den Jahren zu vor ermöglicht haben. Es war mein letztes Preistrommeln an dem ich Aktiv teilgenommen habe und es wird mir immer in toller Erinnerung bleiben.

Marco Baumann



Dr Super-Moderator Andi Meier.



Die strängi Jury het alles ganz genau beobachtet und bewärtet! E hänzligs Danggschön an däre Stell an d Jurorin Monika Lauby und an d Jurore Alain Ritter, Brett Knorpp und Max Häfelfinger! (Ufzellt brav vo linggs noch rächts)

Rangierung der ersten drei CCBler/CCBlerinnen:

(Die Zahl in Klammer bedeutet die Rangierung in der Gesamtkonkurrenz)

Pfeiferinnen

1. Fabienne Aeppli (1)
2. Caroline Ritter (3)
3. Manuela Nickler (4)

Tambouren

1. Marco Baumann (2)
2. Michi Bürgin (4)

Pfeiferinnen Binggis


1. Julia Rudolf von Rohr (4)
2. Laurence Schärli (5)
3. Simone Nickler (8)

Tambouren Binggis

1. Pascal Häfelfinger (1)
2. Pascal Kaufmann (3)
3. Tim Voegelin (5)



BMW und Olympic: Ein starkes Team!



Basels grösste Gratiszeitung.



Sujetpräsentation vom 29.11.2001 für d'Fasnacht 2002.

CENTRAL COUNTRY CLUB, Old Guard of Golf Playing oder C C B Alti Garde Sektion Golfspieler

Ort/Zyt: Clubhuus, uff der Lyss 20, halberächti z'Obe

Draggdande: Mutazione
Turnier (fröligs, innerligs Benezze und Schluuch füle.)

Es laded y: OK Golf Club St. Chrischona

Platzreservazion und Abgob vo de Schtimmcharte empfoole.

Die Yladig also ischrächtzytig an alli Mitglierer vom CCB Old Guard Golf Club verschiggd worde und öbbe drissig Nase oder Schleger sinn do gsi. No dr Begriessig vom Clubchef Erwin **S m a s h m a n c h u n n t d e r** Technikchef Roland Niederer (goot's nümme) zue syne Ussfierige wie s Outfit vo jedem uus z'see hett. Also - Das Turnier wo mr an dr Fasnacht 2002 schpile hett dr Name: "Hänn Si no Sex, oder golfe Si scho?"

Nid ass me jetz meint, mr laufe als "VIAGRA-Regglamesüle" um menand, nä näi - guet betuechti "Harris Tweed Dress"-Manne mit Larve wird me gsee. Neui isch, ass me d Larve, wenn si nid grad vor em eigene Gsichd hängd, zämmelegd im Hosesagg oder im Umhängdäschli versorge ka. Zuedäm gitt s kai Drugg mee uff s Chlahirni (dört wo das no vorhande isch).

E Laddärne fiere mir au wider mit, mole duet si uns dr Ere Däschter. Danggschön für di Zuesag Ere, mr sinn gschannt druff. Liecht und d Technik vo der Ladärne übernimmt dr Dieter Rommel, zämme mit em Niggi Kiechle und dr Zeedel brünzzled uns der Peter Rünzi. Au em Dieter, em Niggi und em Peter sage mr viile Dangg.

In ere äxtra für dä Obe produzierte Talk-Show zeigt unsere "Erwin Smashman", wien eson e A (alte) H (hoffnigslos) V (verglemmde) Golfer ussgsee wird. Bravo Erwin, bisch färnseewürdig fuer s zää vor zää im De/eR/eS. Me ka s jetz scho verrote, no sälte hämmer so schportlig elegant ussgsee an ere Fasnacht.

Traggdandum Divärses - ebbe lycht benezze und feschi Naarig zue sich nä.

S gitt e feyn Fondue, bi de Golfer heisst das "Soup of cheese", härgrichded vom Peter Schlaggebrand (e vorträfflige zää Handicap-Player) und em Guido Backward (e super null Handicap-Player). Dr Heinz Meyer (vulgo Tiger Woods) hett Läggerlicheueche zum Dessert serviert, won em si liebi Nachtschwescher Lilian bache und mitgä het. Danggschön Lilian - s'isch nüt übrig blibe. Irgendwenn emol in de Frytig morgeschunde hänn e par "Zytlosi" von is dr Chäller uffgrund und s Dringge abgrächned, i glaub mr sinn faschd an d

Summe vom Ganzjoores-umsatz cho.

Für s Protokoll: dr Hansenschalter-ruedi-brand.

Gly emol seet 's in dr Alte Garde eso uss (Bildli), wie im Gründigsjoor nün zää hundertvieresächzig - das darf nid si.

Viili von is möge alters- und gsundheitsbedingt nümme agdiv mitmache, oder sinn nümme under is und luegen is vo der Wolgge sibe zue.

Dorum wär die Alti Garde froo, s wurd schnäll Zuewachs gä. No gilt nid: "s hett solang s hett (Platz mein y). Mr sinn um Alli froo, wo unseri Raie füle möchte. Wär Luscht hett mit sym By- oder Uebertritt den Altgardische e Freud z'mache, mäldet sich ganz eifach bi unserem Obma Erwin Schmassmann, Leonhardstrasse 53, Postfach, 4001 Basel. Tel. P 061/271 90 21, G 061/690 95 25. Aber nid Alli uff's Mol!



Terminkaländer Fasnacht 2002 vo dr Alte Garde (Achtung s hett Aenderige gä)

09.02 (Samschdig) Marschiebig "Hägene" Dräffpunggt 14.00h Rest. Jägerstübli, Allschwil

16.02 (Samschdig) Ladärne ydringge Rest. Kornhaus ab 18.30h

Fasnachtskaländer

- 18.02 (Mändig) Morgestraich:
04.00h Abmarsch ganze CCB in Richtig Barfiesserplatz/Strittgass
07.00h Morgenässe, Rest. Pfauen (Freyeschtroos)
08.00h Abmarsch zum Hotel Basel
08.45h Abmarsch mit em Schtammverein und denn gässle bis ...
16.00h Dräffpunggt Rest. Gambrinus (Wyssi Gass) hintere Uusgang
Abmarsch und gässle no dr Meinig vom Dambuurmajor
20.00h Nachtässe, Rest. Rähhus, Glaibasel (Riechetorschtroos)
21.00h Abmarsch mit Ladärne Richtig Mittleri Brugg, Grossbasel, (Halt Kaffi Spitz)
- 19.02 (Zyschdig) 02.00h Schluss
- Chinderfasnacht - Zischdigszügli
- 20.02. (Mittwuch) 13.30h Besammlig, Rest. Altes Warteck und Abmarsch in Richtig Claraplatz no dr Mainig vom Dambuurmajor
18.00h Nachtässe Rest. Spillmann (Schiffländi)
19.30h Abmarsch in Richtig Brune Mutz, Barfi
21.00h Abmarsch ganze CCB, Barfiessergass - Freieschtroos zum Hotel Drey König. Noch em Halt, gässle bis zum goot nümm

10. Januar 2002

Auch die Alte Garde weiss die Vorfasnachtszeit zu feiern und bekanntlich ist Vorfreude zu einem Grossereignis etwas vom Schönsten. So hatten sich fünfzig gut gelaunte Gäste im Restaurant Rebhaus zu Klein-basel bei Gastwirt Hannes Fringeli eingefunden, fein gegessen und getrunken. Erwin, der unwiderstehliche Spass- und Schmassmann eröffnete den GALA(Käse)-Abend mit einer etwas nervös vorgetragenen Begrüßungsrede (ist man von ihm nicht gewöhnt). Dies sollte sich aber bald ändern, denn er war es, der im Verlauf des Abends als Programmdirektor amtierte und filigran die Gäste mit Bon-Mots und Unterhaltung verwöhnte. Sein Auftritt als musizierender und singender Küchenchef war etwas vom Köstlichsten, seit es ihn gibt (nämlich den Erwin). Auch war es seiner aufopfernden Be-treuung der Gäste gegenüber möglich, dass diese sich einer Sitzplatz-Rochade von Tisch zu Tisch ähnlich, bestens unterhielten. Von bester Laune gesättigt und in der Hoffnung, man möge sich zu einem nächsten Wiedersehen treffen, beendete die Alte Garde, so gegen Mitternacht, einen fröhlichen Abend. H.S.

Hesch scho gwüsst, ass...

... mir für unser 100 jährigs Clique-Jubiläum im 2011 e Fonds göffnet hän, wo mir jedes Joor mit 10'000 Stai spyyse wän, mir in däm Joor aber erscht mit rund 6'000 Frangege hän kenne fille, und dr Peter D. sich jetzt anerbote het, die fählende 4'000 Stutz grad bar uff e Disch z leege, dass das aber unseri Kassiose, d Monika L., aifach ignoriert het?

... dr Christoph B. der Zircher Stadt-Schuggerei verzellt, s Piccolo sygi kai schöns Instrumänt, sondern ains, wo numme schrill dönt?

... em Kurt Sp. sy Schweschter in ere andere Clique Käller-Maischtere isch, dr Kurt s aber vorzieht, em sällige Obmaa aazlüte, wenn är e Käller will reserviere?

... De joo nit sellsch uff dr Dambourmajor loose?

Hesch scho gwüsst, ass...

... dr Felix M. (Alti Garde) sich bi dr Frau Pfarrerin Florence Devey au no konfirmiere loo wurd?

... dr Marcel B. äxtra uss Berlin an d Iebig kunnt, s aber mit nötig het, sy Bandalier mitznä?

... das Joor au d Monique R. d Blaggedde bim CCB bezieht?

... si usserdäm wägenem Ladärne-Yypfyffe am Sunntig Oobe nit äxtra in d Stadt yne kunnt?

... me wenigstens aimool pro Stund sett in d Webside go luege, eb dr CCB-Terminblaan gänderet hett?

... au Du villicht grad in däm Momänt iiberwacht wirtsch

... es d Säuschnäuz nümmi git, sondern nur no d Säuschnäuz Alti Garde?

Vaucee/acm/cbs

s vorzogene s Schluss-Mimpfeli

Es sei hier noch angetönt, dass der Central Club Basel, resp. dessen Sujetkommission, auf grund Nichtverstehen ehemaliger Sujets seitens gewissen Medienschaffenden in diesem Jahr mit besonderer Hingabe zum Verständnis des aktuellen Sujets beigetragen hat. Ob dieser transiente Anfall von Nächstenliebe den gewünschten Erfolg nach sich zieht, wird sich allerdings erst noch zeigen müssen...



Wenn
irgend
ebbis
Druggts
muesch
haa -

denn lyt am
Druggter Dietrich aa



Druckerei Dietrich AG
4019 Basel
Pfarrgasse 11
Tel. 061 - 639 90 39
Fax 061 - 639 90 30

Ihr Berater
für alle
Versicherungen

Daniel Oettli
Versicherungsexperte



Telefon: 061/ 295 83 09

Basler
Aeschengraben 25
4010 Basel

Möbellagerhaus
Umzüge

FLEIG

Fleig AG
Postfach
4006 Basel

Sternenhofstrasse 2
4153 Reinach

Fon 061-272 11 11
Fax 061-272 11 01
www.fleigumzuege.ch

CCB-Mitglied

DWM VERWALTUNG UND
UNTERNEHMENSBERATUNG

DIETER W. MEYER Hardstrasse 126
CH-4052 Basel
Telefon 061 313 61 61

▲ Steuer- und Unternehmens-
beratung

▲ Buchhaltungen
▲ Wirtschaftsprüfungen

▲ Liegenschafts-
verwaltungen

**HÄGI
TREUHAND
AG**

Wartenbergstrasse 41, 4020 Basel E-Mail: info@haegi-ag.ch
Tel. 061/378 88 00, Fax 061/378 88 22 Internet: www.haegi-ag.ch

Freilager Basel
Freilager Basel
Freilager Basel



BASLER FREILAGER AG
Telefon (061) 338 96 96
Telefax (061) 338 96 97
Telegrammadresse:
PORTFRANC BASEL
Postcheckkonto 40-3998-3

VERMIETUNG

von Büro- und Lagerräumlichkeiten
im Industrieviertel Dreispitz
in bester verkehrstechnischer Lage
sowohl strassen- und schienenmässig
erschlossen

DIENSTLEISTUNGEN U.A.

- Warenlagerung Inland und unter Zollkontrolle
- Bemusterung, Sortierung und Neutralisieren
- Kommissionieren etc.

Hesch gwisst, ass d Basler Freilager AG
dr grossi Sponsor isch von CCB?
Au gheert si nit grad zue de Maagere,
denn si duet uns're Grimmbel laagere!
Und sottisch irgend ebbis von're ha,
so zeegere nit lang und lyt schnäll aa!

Stammverein		13.05.02	3. Kommissionssitzung
		30.05.02	Generalversammlung 01/02
01.02.02	Drummeli 2002 Stellprob		
02.02.02	Drummeli 2002		
03.02.02	Drummeli 2002		
04.02.02	Drummeli 2002		
05.02.02	Drummeli 2002		
06.02.02	Drummeli 2002		
07.02.02	Drummeli 2002		
08.02.02	Drummeli 2002		
09.02.02	Drummeli 2002		
09.02.02	Larven- und Kostüm-Ausgabe im Atelier		
09.02.02	Marschübung Hüningen		
14.02.02	Fasnachtshock im Keller		
17.02.02	Laternen-Apéro		
18.02.02	Fasnacht 2002		
19.02.02	Fasnacht 2002		
20.02.02	Fasnacht 2002		
21.02.02	Rollmopsessen		
03.03.02	Bummel		
		Junge Garde:	
		17.02.02	Laternen-Apéro
		18.02.02	Fasnacht 2002
		19.02.02	Fasnacht 2002
		20.02.02	Fasnacht 2002
		10.03.02	Bummel
		Alte Garde:	
		16.02.02	Laternenvernissage
		18.02.02	Fasnacht 2002
		19.02.02	Fasnacht 2002
		20.02.02	Fasnacht 2002
		21.02.02	Rollmopsessen
		10.03.02	Bummel



Hesch Frooge zue Dynere Clique? Wotsch wüsse, wenn mir wo sin am Cortège? Oder bruuchsch Informatione wie De Dy Fründ/Fründin oder Kolleg/Kollegin als Passivmitglied aamäldisch?

Unseri Homepage git Dir über alles Usskunft, wo De noni waisch!

Lueg yyne, gniess unseri heerligi Syte und verzell allne, wo De kennsch, was das für e Erläbnis isch, im CCB ummezsöörfe!

www.ccb1911.ch

the most admired site in cyber carnival!

www.ccb1911.ch

S'isch allewyy! "Fasnachts-Zyt" im Hotel Basel.



Basler Keller · Münz · Sperber – Gastlich und freundlich.

am Spalenberg · Münzgasse 12 · CH-4051 Basel Telefon 061/264 68 00 · Fax 061/264 68 11